

Morning Regional Dogri News Bulletin, 16th December 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होरें राज्येंग ी गुजारश कीती ऐ जे ओह स्टार्टअप्स लेई साजगार म्हौल कायम करने ते प्रक्रियाएं गी सखल्ला बनान तां जे लोकें गी परेशानियां नेई होन।
2. उपराज्यपाल मनोल सिन्हा होरें आखेआ ऐ जे उंदा मकसद श्री अमरनाथ जी दी यात्रा गी निर्बिघ्न बनाना ऐ।
3. कैबिनेट मंत्री सकीना इत्तू ते जावेद राणा होरें राजौरी बडहाल ग्रां च रहस्यमयी मौतें दे बाद कल कोटरेंका दा दौरा लाया।
4. 1971 दी जंग च पाकिस्तान खलाफ ऐतिहासक जित्त उे चेतें च अज्ज राष्ट्र विजय दिवस मना करदा ऐ।
5. महिलाएं दे जूनियर एशिया कप 2024 दे फाइनल च कल पेनल्टी शूट आउट च भारत नै चीन गी हराइयै खजाब जित्ती लैता ऐ।

<><><><><><>

PM-Chief Secretary Meeting

प्रधानमंत्री नरेन्द्र मोदी होरें राज्य सरकारें गी गुजारश कीती ऐ जे ओह लौहके शैहरें च उद्यमिणं लेई उचित थाहरें दी शिनाख्त करियै उंदी सुविधा लेई उत्थें विशेष पैहलकदमियां करन। कल नमीं दिल्ली च मुख्य सचिवें दे चौथे राष्ट्री सम्मेलन गी संबोधत करदे होई प्रधानमंत्री होरें राज्य सरकारें गी आखेआ जे ओह प्रक्रियाएं गी बिंद सखल्ला बनान। उनें मुख्य सचिवें गी आखेआ ते राज्यें गी बवस्थाएं च ऐसे सुधार करने लोड़चदे न जिंदे राएं जन भागीदारी गी बढावा मिले। उनें आखेआ जे सुधार, खरी कारकरदगी ते सकारात्मक बदलावें बक्खी ध्यान केन्द्रित करना जरूरी ऐ ते लोकें गी सरकार दिणं पैहलकदमिणं बारे जानकारी बनाना होर बी मता जरूरी ऐ। ध्यानजोग ऐ जे सीएसआईआर-आईआईआईएम जम्मू आस्सेआ तैआर कीते गेदे उत्पादें गी मुख्य सचिवें दे इस राष्ट्री सम्मेलन च इक यादगार दे तौर पर भेंट कीता गेआ। केन्द्रीमंत्री डॉ. जितेन्द्र सिंह होरें बी सीएसआईआर-आईआईआईएम जम्मू दी इस उपलब्धि पर खुशी जाहर कीती ऐ। एहदे कन्नै पक्क गै लवेंडर दी खेती कन्नै जुड़े दे करसानें, स्टार्टअप्स ते उद्यमिणं सनं बैंगनी क्रांति गी बी खरा मता बढावा मिलोग।

<><><><><>

RS-Debate

मुख्य च संविधान गी अपनाए जाने दे 75 ब'रे पूरे होने दे सिलसिले च अज्जै थमां राज्यसभा च दऊं दिनें दी विशेष चर्चा शुरू होग। पिछले शुक्रर ते शनिवारें लोक सभा च बी संविधान पर विशेष चर्चा होई ही ते प्रधानमंत्री नरेन्द्र मोदी होरें एहदा परता बी दित्ता ही। मेद ऐ जे मोदी होर राज्यसभा च कल एहदे पर बैहस दा परता देंगन। 26 नवम्बर 1949 गी संविधान सभा नै औपचारिक तौरा पर संविधान गी स्वीकार करी लैता हा ते 26 जनवरी 1950 गी इसी लागू करी दित्ता गेआ। जेहदे नै भारत इक संप्रभुत्व आला लोकतांत्रिक गणराज्य दे रूपै च स्थापत होआ 2015 च मोदी सरकार नै औपचारिक तौरा पर 1949 च भारतीय संविधान गी अपनाए जाने दे चेते च 26 नवम्बर गी हर ब'रे संविधान दिवस मनाने दी घोषणा कीती ही।

<><><><><><>

LG-Langar

उपराज्यपाल मनोज सिन्हा होरें आखेआ ऐ जे श्री अमरनाथ जी दी पवि? यात्रा साढी समुंद्र ते सगोसार आध्यात्मिक ते सांस्कृतिक परंपरा दा प्रतीक ऐ ते साढा एह प्रयास ऐ जे इस यात्रा गी दिव्य ते बगैर कुसै परेशानी आला बनाई सकचै। श्री सिन्हा होरें एह गल्ल लंगर संगठनें ते गैर सरकारी संगठनें दे सदस्ये, जिनें 2024 दी श्री अमरनाथ यात्रा दे मौके यात्रुएं दे खान पान दा प्रबंध कीता हा, उनेंगी सम्मानित करदे होई आखी।

<><><><><><>

Rajouri Food Poisoning

बन्ने आले जिले राजौरी दे बडहाल ग्रां च रहस्यमयी तरीके कन्नै दऊं परोआरें दे 7एं लोकें दी मौत दी पच्छोकड़े च सेहत ते डाक्टरी शिक्षा मैहकमे दिएं मंत्री सकीना इत्तू ते जनजाती मामले दे मंत्री जावेद अहमद राणा होर कल कोटरेंका सब7डिवीजन दा जायजा लैता ते उत्थें कीते जा करदे हीलें दा आंकलन बी कीता। दौनें मंत्रिएं इस मामले गी लेइयै इक तफसीली जायजा बैठक दी प्रधानता बी कीती। सकीना इत्तू होरें सेहत बवस्थाएं गी होर निगगर बनाने दी फौरी जरूरतै पर जोर पांदे होई समाजी, पूरी जकीनी बनाने, फारेंसिक लैबटरिएं थमां नतीजे तौले जारी करने ते बाद्धू नमूने किट्ठे करने ते उंदी जांच च तेजी आहनने दियां हिदायतां जारी कीतियां। जावेद राणा होरें राजौरी ते पुंठ जिले लेई दऊं गश्ती मैडिकल युनिटें दा ऐलान कीता जिंदे पर अंदाजन कोई 1—1 करोड़ रुपें दी लागत औग। इनें गश्ती मैडिकलयुनिटें च सब्बै बुनियादी

मैडिकल उपकरण ते पेशेवर अमला तैनात होग। अजें तोड़ी घर-घर जाइयै कीते गेदे सर्वेक्षण दे दायरे हेठ 3 ज्हार 145 लोकें गी आंदा जाई चुके दा ऐ ते प्रभावत इलाकें च 384 विशेष सेहत कैप बी लोआए गे न।

<><><><><><>

Ashakari Mela

ग्रामीण विकास ते पंचैती राज विभाग दे तैहत जम्मू कश्मीर ग्रामीण आजिविका मिशन पाससेआ आयोजित 5 रोजा आशाकारी मेला अज्ज समाप्त होई जाग। इस मेले च स्वयं सहायता समूहें कन्नै जुड़ी दिएं सशक्त महिलाएं पाससेआ बक्ख-बक्ख उत्पादें दे 40 स्टाल लाए गेदे न। मिशन डरैक्टर डॉ. शुभारा शर्मा होरें इस मेले दे सरिस्ते उप्पर लोह पांदे होई आखेआ जे इस पैहल कन्नै महिला सशक्तिकरण गी होर मजबूती थ्होग।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “तन की बात” राएं औंदी 29 दिसम्बर गी देश विदेश च रौहने आले श्रोताएं कन्नै अपने बचार सांझे करगंन। हर म्हीने दे खीरी ऐतवारें बडलै 11 बजे प्रसारत होने आले इस कार्यक्रम दी एह 117महं किशत होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप जां MyGov ओपन फोरम पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाग। एहदे इलावा एह प्रसारण ए.आई.आर न्यूज वेबसाइट ते न्यूज ऑन ए.आई.आर मोबाइल ऐप उपलब्ध होग। एहदे कन्नो कन्नी ए.आई.आर न्यूज, डी.डी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्क्रीनिंग उपलब्ध होग। आकाशवाणी दे सब्बने स्टेशनों परा मन की बात दे प्रसारण दे तुरत परैत उत्थूं दी मकामी भाषाएं च एहदा प्रसारण बी कीता जाग।

<><><><><><>

Dr. Jitender Singh

विज्ञान ते तकनीकी मंत्री डॉ. जितेन्द्र सिंह होरें नमीं दिल्ली च हर म्हीने होने आली मंत्रालय दी सांझी बैठक दी अध्यक्षता कीती। बैठक च सब्बने विज्ञान मंत्रालयें ते विभागें दे सचिवें हिस्सा लैता। इस मौके बोलदे होई डॉ. सिंह होरें आह्वान कीता जे सब्बने सरकारी मैहकमे गी लोड़ना लोड़चदा ऐ ते कन्नै कन्नै गै केन्द्र ते राज्यें दे अगगे प्रयास होन जेहदे राएं 2047 दे विकसित भारत दा नजरिया हासल कीता जाई सकै।

<><><><><><>

Vijay Diwas

1971 दी लड़ाई च पाकिस्तान पर भारत दी शानदार जित्त दे चेते च अज्ज पूरा मुख्ख विजय दिवस मना करदा ऐ। इस लड़ाई दरान अपनी जिंदू दा बलिदान देने आलें गी अज्ज श्रद्धांजलि बी दित्ती जा'रदी ऐ। 1971 च अज्जै दे रोज पाकिस्तान दे लैफ्टिनेंट जनरल ए.ए.खान नियाजी नै अपने 93 ज्हार सैनिकें कन्नै भारती फौज ते मुक्ति वाहिनी दे सामने आत्म समर्पण कीता हा। विजय दिवसदे उपलक्ष्य उप्पर राश्ट्रपति द्रौपदी मुर्मू होरें आर्मी हाउस च आयोजित इक कार्यक्रम च हिस्सा लैता। उत्थें गै रक्षा मंत्री राजनाथ सिंह होरें बी भारती सशक्त बलें दी वीरता ते बलिदान लेई उंदा नमन कीता।

<><><><><><>

Hockey

भारत नै महिला जूनियर एशिया कप हॉकी चैंपियनशिप जित्ती लैती ऐ। जंदी रातीं ओमान दी राजधानी मस्कट च खेड्डे गेदे फाइनल मकाबले च भारत नै चीन गी 3-2 कन्नै हराइयै खताब पर अपना कब्जा बरकरार रखेआ। शूट आउट च साक्षी राणा, इशिका ते सुनेलिता टोप्पोद नै गोल कीते जिसलै जे भारतीय गोलकीपर निधि नै पेनल्टी शूटआउट च त्रै गोल बचाए। एह्दे शा पैहले जिन झुआग नै चीन लेई मैच दा पैहला गोल कीता भारत दी कणिका सिवाच नै त्रीए क्वार्टर च गोल करियै मैच बरोबरी पर लेई आंदा। मित्थे गेदे समें च 1-1 दी बरोबरी दे बाद मैच दा फैसला शूट आउट कन्नै करना पेआ। "हॉकी इंडिया" नै इस शानदार जित्त लेई टीम दे हर इक खडारी गी 2-2 लक्ख रपे ते सैहयोगी स्टाफ गी 1-1 लक्ख रपे दी रकम इनाम दे तौरा पर देने दी घोषणा कीती।

<><><><><><>श

Mock NEET Doda

आजमाइशी तौर पर नीट दा इक मॉक टैस्ट डोडा जिले दे भद्रवाह च आयोजित कीता गेआ। इस टैस्ट दा ससिस्ता विशेष तौरा पर गरीब विद्यार्थिएं लेई कीता गेआ।

<><><><><><>

Farmers Awareness Udhampur

बागवानी विभाग, जिला उधमपुर पाससेआ जंदे रोज ब्लाक मोंगरी दे कलसीत ग्रां च करसानें आस्तै इक रोजा जागरूकता कार्यक्रम दा सरिस्ता कीता गेआ। तकरीबन 300 करसानें कार्यक्रम च हिस्से लेई बक्ख-बक्ख तरकीयाती स्कीमें ते परियोजनाएं बारे जानकारी लैती। फसलें थमां मता झाड़ हासल करने आले पमें सिरे तैआर कीती गेदी स्कीम तैह्त्त सब्जिएं दी रढ़ करने दे अलावा सेऊ ते अखरोट दी काश्त गी अपनाने दी बी सलाह् दित्ती। एह तकनीकी अपनाई करसान अपनी आमदन च बाद्धा करी सकदे न ते इक बेह्तर जीन जी सकदे न।

<><><><><><>

Weather

जम्मू खित्ते च हर लंघदे दिनै दे कन्नै सीत बी बधदा जा करदा ऐ ते खास तौरा पर रातीं दे बेल्ले तापमान च खरी मती कमी दर्ज कीती जा'रदी ऐ। उआं मोसम विभाग विभाग नै औंदी 21 दिसम्बर तगर मौसम खुश्क रौहने दी पेशगोई कीती ऐ। उचिचएं धारें ते महत्वपूर्ण शिड़कें पर बर्फबारी दी सूरतै च लोकें गी एह सलाह् दित्ती गेई ऐ जे ओह् ट्रैफिक पुलस आस्सेआ जारी दिशा-निर्देश दी पालमा जकीनी बनान। राजौरी ते पुंछ जिलें गी शौपियां कन्नै जोड़ने आली एतिहासक मुगल रोड गी कल बर्फ हटाने दे बाद हौली मोटर गडिडएं लेई खोली दित्ता गेआ ऐ। पर गडिडएं गी ट्रैफिक पुलस दी इजाजत दे बाद गै अग्गे बदन दित्ता जाग।

<><><><><><>

DC Poonch

पुंछ दे डिप्टी कमीशनर विकास कुंडल होरें कल इक समीक्षा बैठक लाइयै जिले च राशन कार्डें दी ई-केवाईसी ते खुराक सिविल सप्लाई ते उपभोक्ता मामले सरबंधी विभाग दिएं होरने योजनाएं तैह्त्त हासल प्रगति दा आंकलन कीता। उनें हर इक तैह्सील थमां ई-केवाईसी रिपोर्ट दा लायसा लैता ते सब्बने तैह्सील सप्लाई अफसरें पर जोर पाया जे ओह् अपने अख्तियार हेठ ओने आले इलाके च 100 फीसद लाभार्थिएं दा ई-केवाईसी पंजीकरण जकीनी बनान। डिप्टी कमीशनर होरें आधार गी राशन कार्ड कन्नै लोड़ने, बालाकोट च सरकारी खद्य भंडार दे निर्माण अमले दी मजूदस स्थिति ते मलाजमें कन्नै सरबंधत होर केई मसलें दा बी जायजा लैता।

<><><><><><>